

SCRIPT OF MORNING GOJRI NEWS BULLETIN 17OCT 1015 HRS

مارننگ گو جری نیوز بلیٹن مورخہ 17 اکتوبر 2025

یوہ آکا شوانی جموں ہے مشتاق حسین تیں خبر سُنو۔

LG RELICS

لیفٹیننٹ گورنر منوج سنہا اچ روس گا علاقہ کالمیکیا واسطے روانہ ہو گیا ہیں جت وے بھارتی وفد کی قیادت کرے گا تانجے بگھوان بدھ گا مقدس آثار نانہ واپس بھارت مانہہ آنیو جاسکے یہ مقدس آثار اک ہفتہ تک نمائش ور رکھیا گیا تھا جس کو مقصد بھارت ت روش گے بشکار ثقافتی تے روحانی تعلقات نانہہ فروغ دینو تھو سماجی میڈیا ور روس جان بارے دستا مانہہ لیفٹیننٹ گورنر نے وزیر اعظم نریندر مودی گو شکریو ادا کیو تے اس موقع نانہہ اک بڑا اعزاز قرار دتو ہے ان مقدس آثار کی واپسی بین العوامی ثقافتی سکارٹکاری واسطے اک اہم لمحو ہے جہڑو اس گل نانہہ مضبوط کر رہیو ہے جے بھارت پرانا بدیسٹ وراثت گو مالک ہے۔

DARBAR MOVE RESTORED

اک بڑا انتظامی فیصلے گے تحت جموں کشمیر سرکار نے صدی پُرانی روایت دربار مو نانہہ دوبارہ بحال کرن گو اعلان کیو ہے اس غے تحت سول سیکرٹریٹ تے اہم دفتر سرینگر توں جموں آنیو جے گا سرکاری حکم گے مطابق 31 سرینگر مانہہ دفتر اکتوبر تے پہلی نومبر نانہہ بند وے گا تے 3 نومبر 2025 نانہہ باقاعدہ جموں مانہہ دوبارہ کھولے گا واضع رہے جے دربار مو کی یہ روایت 2021 مانہہ برا خرچہ تے ای دفتر گا نفاذ کی وجہ توں روک دتی گئی تھی جد کہ نوی چنی وی سرکار نے اس عمل نانہہ بحال کرن گو فیصلو کیو ہے وزیر اعلیٰ نے وی پچھلے تہاڑے اک پریس کانفرنس سنگ خطاب گے دوران اس فیصلہ بارے دسیو ہے۔

CM RESERVATION

جموں کشمیر حکومت نے تخصص متعلق کابینہ ضمنی کمیٹی کی رپورٹ نانہہ منظوری دے دتی ہے تے جس نانہہ ہون حتمی منظوری واسطے لیفٹیننٹ گورنر در پھیجیو جے غو۔ اس گل بارے جانکاری وزیر اعلیٰ نے اک پریس کانفرنس سنگ خطاب کرتا مانہہ دتی ہے اک سوال گا جواب دیتا مانہہ وزیر اعلیٰ نے دسیو جے سماجی بہبود محکمہ نانہہ ہدایت جاری کردتی گئی ہے جے وے کابینہ گا کاغز پتر تیار کریں تے منیو جارہیو ہے جے کجھ تہاڑاں اندر یوہ عمل پورو ہو جے غو۔

DY CM 1 YEAR

نائیب وزیر اعلیٰ سریندر چودھری نے کہیو ہے جے وزیر اعلیٰ عمر عبداللہ کی قیادری آلہ حکومت نے اک سال پورو کرلیو ہے تے جموں کشمیر گا لوکاں گا خواباں تے منگاں نانہہ پورو کرن واسطے پُر عزم ہے انہاں نے اس گل گو اظہار انتنت ناگ تے گلگام ضلاع گا دورہ غے دوران کیو جت انہاں نے تقریباً 9 کروڑ روپیہ کی لاگت آلا بکھ بکھ ترقیاتی منصوباں گو نی پتھر رکھیو ہے اپنا دورہ غے دوران انہاں نے لوکاں ور

زور پاتا مانہ کہیو جے حکومت ور پھروسو رکھے تے اس گل گی یقین دہانی وی
کروائی جے حکومت گو ہر فیصلو لوکاں گی پلائی واسطے لیو جے غو۔

PROCLAMATION ORDER

جموں کشمیر پولیس نے حزب المجاہدین گا کمانڈر محمد یوسف شاہ عرف سید صلاح
الدین غے خلاف پروکلامیشن حکم حاصل کرلیوے جہڑو اس ویلے پاکستان مانہ رے رہیو
ہے یاہ کاروائی تھانہ پروکلامیشن مانہ درج اک مقدمہ توں بعد کی گئی ہے جدکہ
پولیس نے اس بارے جانکاری سماجی میڈیا گے زریعے سانجی کی ہے اک دوجی
کاروائی مانہ بتگام پولیس نے پاکستان مانہ موجود دہشت گرد مظفر علی کی غیر منقولہ
جائیداد نانہ غیر قانونی سرگرمیاں غی روک تھام غے تحت ضبط کرلیوے ہے یہ کاروائی
تھانہ چاٹورہ مانہ درج اک معاملہ گا سلسلہ مانہ کی گئی تے مزید تحقیقات جاری
ہے۔

GST DIWALI

دیوالی نزدیک آتا ہی مقامی کاروباری حالیہ جی ایس ٹی بدلاو غو خیر مقدم کر رہیا ہیں
جس سنگ اُن گا کاروبار ور مثبت اثر پیو ہے اک مقامی تاجر نے دسیو جیان بدلاؤ
سنگ نمایاں بہتری آئی ہے تے زیادہ مال ور سستی قیمت مانہ خاصی کمی دیکھی گئی
ہے اُنہاں نے دسیو جے اس سنگ دکانداراں نانہ موقع لبوے جے وے گاہکاں نانہ
تہوار گا موقع ہ ور کٹ قیمتاں مانہ سمان پیجے یہ بدلاؤ مقامی معشیت نانہ
مضبوط کرے گو تے دیوالی کی خریداری گے دوران صارفین نانہ خاصی راحت وی
پُجاوے غو اس ضمن مانہ تاجر تے خدیدار روئے بہتر کاروبار سرگرمیاں مانہ اضافہ
گا حوالہ سنگ پُر امید ہیں۔

FOOD SAFETY DIWALI

دیوالی توں پہلاں رام بن ضلع مانہ فوڈ سیفٹی محکمہ نے کھانہ کی حفاظت تے
منصفانہ تجارت نانہ یقینی بنان واسطے بازار گو معائینو کیو ہے اس دوران حُکام نے
دُکاناں غو معائینو کیو معیار کی جانچ کی تے ضابطاں کی خلاف ورزی کرن آلا تاجراں
ور جرمانو وی لایو۔ اس ضمن مانہ افسراں نے خبردار کیو جے مٹھائیاں مانہ پایاں
جان آلا زہریلہ رنگاں گا استعمال تو گریز کریں تے اس بارے صارفین نانہ صلاح
دتی گئی ہے جے وے تہوار گے دوران مٹھائی خریدن آلا محتاط ریں ضلع انتظامیہ رام
بن نے کہیو جے صارفین گا تحفظ منصفانہ تجارت گا فروغ تے ماحولیاتی صفائی نانہ
برقرار رکھن واسطے ایسا قدم جاری ریں گا تے تاجراں تے دُکانداراں توں اپیل وی کی
جے وے قانون ور عمل کریں۔

DIV COM SMART CITY

صوبائی کمشنر جموں رومیش کمار جہڑا جموں سمارٹ سٹی لمٹید گا چئیرمین وی ہیں تے
بہو پلازہ مانہ ڈاریکٹراں گا طورڈ کی میٹنگ کی صدارت کی ہے اس میٹنگ مانہ
خصوصی مقصد آلی گڈیاں گا استعمال آمدنی پیدا کرن تے پورا کیا گیا سمارٹ سٹی گا
منصوباں کی دیکھ بھال بارے گل بات کی گئی اس ضمن مانہ جناب رومیش کمار نے
سمارٹ سٹی لمٹید گا اعلیٰ ایگزیکوٹیو افسر نانہ ہدایت جاری کرتا مانہ کہیو جے انٹی

گریڈ کمانڈر تے کنٹرول مرکز مانہ ڈیٹا تے کلاؤڈ خدمات سرکاری محکماں گے
سامنے پیش کرے۔
